

STORACLES OF PROPHECY

Kamsangte Sittelna

Ta-ang Thu . . .

Kumpite Masa 22:1-40

Ahab, Israel te kumpi gilopa, in Syrian te khut sung panin Ramoth-gilead khua hong lakik nuam hi. Ahih hangin amah guak tawh zolo ding ahih manin ahuh dingin ahoih Judah Kumpi Jehoshaphat agal do pih dingin cial hi. Jehoshaphat in zong kong huh mah ding hi, ahih hangin amasa pen-in Pasion dong masa ding hihang ci-in dawng hi.

Ahab in kum tampi sung Topa taisan khinta a, milim Baal pasian abia hi, tua manin acial kamsang mi 400 te samin kumpi nih te mai ah thugensak hi Kamsang zuauthei te in, "Pai unla Syrian te do un, na zo ding

uh hi," ci uh hi. Ahih hangin Kumpi Jehoshaphat in Pasion kamsang maan khat tung panin ka zanuam hi ci hi. Tua ciangin Ahab in dawngin Micaiah kici, Jehovah kamsang khat bel omlai mah hi, ahih hangin "Amah ka mudah hi, bang hang cihleh amah in kei ading thu hoih khat vei beek hong gen ngeikei a, asia bekbek hong gen hi," ci hi. Aneu 8.

Jehoshaphat in ih sam ding hici ahih manin, Ahab in a nasem khat sawl iin Micaiah kamsangpa sam sak hi. Ahangsan kamsangpa in azaknop huai hetlo genkhohna thu hong gen a, Ahab pen Syria te tawh kidona ah si ding hi ci hi. Thuhoih agen kamsang 400 te thu um zaw ding maw ahih kei leh mi khat bek ahi Topa kamsangpa gen um zaw ding cih Ahab in a khensat ding hong hita hi.

A lungsim khauh Ahab Kumpipa in Micaiah kamsangpa gen thusim kul kei ci-in Jehoshaphat zol teeitei in galsim dingin hong kuan khiata uh hi. Topa sangin thei kisa zaw-a luum leh tei silh-in gal mailian [front lines] ah pai kei peuh leng ci-in ngaihsun hi. Ahih hangin Ahab in, Pasion Kammal pan na suakta hetkei ding hi, cih pen phawk hak kha hi. Cjal kidona sungah thaltang khat hong lengin Ahab galdal luum te kimatna kikal ah lut in kha-a asii tampi luangin a sakolleng tungah si hi

Ni nunungni ciangin kamsang zuauthei tampi hong piang ding uh hi, ci-in Zeisu in hong hilhkol hi (Matthew 24:11). Tua manin eite in amaan leh amaan lo ih khentel theih ding kisam hi. Hih in nuntaakna ahikei leh sihna ding thu hikha ding hi!



AMAZING FACTS

Thu Sinna

Laisiangtho na sim khitciangin a awng munte behlap in.

1. Topa in agel nunung pen thu te kua tungah lak hiam?

Amos 3:7 Topa Pasion in ama nasem _____ tungah ama geelna theisak masa lopi-in bangmah hih hetlo hi.

2. Ni nunung ciang kamsang maan leh maanlo aom ding hiam?

Matthew 24:11 Kamsang _____ tampi hong piangin mi tampi a khem ding uh hi.

Sawlaakte 2:17 Pasion in, 'Ni nunungte ah mi khempeuh tungah _____ ka sungkhia ding hi. Na _____ na _____ un kamsang ding uh hi. (ZIV)

Phawk Ding: He om ding! Hun nunung ciangin kamsang maan leh maanlo hong om khawm ding uh hi. Laisiangtho in hong hilhna ah kamsangte pen numei zong hithei pasal zong hithei ci hi.

3. Laisiangtho in a genkhiat diak a phalloh bangci bang kamsang maanlo nam te hiam?

- A. "Aisaan mailam thugen [fortune teller]." Thuhilhikikna 18:10.
- B. "Khongkhai [astrologer]." Thuhilhikikna 18:10.
- C. "Ma-angsaan [magician]." Thuhilhikikna 18:10.
- D. "Aitawi [female psychic]." Thuhilhikikna 18:10.
- E. "Mibum [person who casts spells or charms]." Thuhilhikikna 18:11.
- F. "Sikha hopih [spirit medium]." Thuhilhikikna 18:11.
- G. "Sikha tawh kiho thei[male psychic]." Thuhilhikikna 18:11.
- H. "Misi te thu dong [person who claims to consult with the dead]." Thuhilhikikna 18:11.

Phawk Ding: Thuhilhikikna 18:9-12 sunga banga a sem peuhmah Topa adingin "akih huai hi" ci hi. Tua ahih manin Christian te in tua bang mite tawh ih kipawl loh ding ahi hi.

4. Hun nunung Pasion' pawlpi in kamsanna silpiak anei diam?

Mangmuhna 12:17 Tua ciangin tua numei tungah gulpi-sikhiam thangpai a, Pasion thupiak mangin, _____ panna a len a om lai tua numei tate sim dingin a kuankhia hi.

Mangmuhna 19:10 Kei zong Jesu ading teci a pang, nang le na sanggamte tawh nasem khawm khat mah ka hi hi. Pasion bia in! Ahang in, Jesu teci panna in _____ ahi hi," hong ci hi.

Phawk Ding: Lesson 17 sunga ih sinsa mah bangin abaanglai Pasion pawlpi in "Zeisu teci pan na" ahi "kamsanna kha" nei hi. Mangmuhna 19:10 leh 22:9 etkak leng, vantungmi in John ii "sanggam te" acihnopna in kamsanna kha nei a "kamsangte" leh "hih laibu sunga thute a kemcingte" ci hi.

1 Corinthians 1:5-8 sungah, Paul in a gelhna ah pawlpi in Zeisu nih veina hong pai dongin "Zeisu teci pan na" leh "khalam letsong kisap na nei kei uh hi" ci hi. Tua ahih manin hun nunung Pasion pawlpi in kamsanna silpiak nei ding uh hi.

5. Kamsang maan te Pasion in bangci lam tawh hopih hiam?

Gamlakvakna 12:6, 8 Note' lakah kamsang a om leh Topa keimah in ama tungah _____ tawh ka kilak a, amah tawh _____ sungah ka kiho hi. **8** Amah tawh _____ leh kam kiho-in, ... **Zechariah 4:1** Kei tawh a kiho _____ mah hong paikik a, a ihmu kimlai a kiphong bang keekin kei hong khanglosak hi

Phawk Ding: Topa in a kamsangte ma-ang te tungtawn, mangmuhna te tungtawn, kimaingat iin leh vantungmite tungtawnin hopih hi. Aisaanna, khutlam etna, khongkhaina, phuisamna, misisa te thudotna cihte tawh Pasion in kamsangte hopih lo hi.

6. Nalamdang bawltheihna in kamsang maan cihna ahi hiam?

Mangmuhna 16:14 Tuatate pen _____ kha hi a, na _____ a bawl uh hi. A Vanglian Pasion' Ni hong tun' ciangin gal a do dingin ... a kaikhawm dingin a kuankhia uh hi.

Phawk Ding: Hilo! Nalamdang bawltheihna in kamsang maan cihna hilo hi. Amau hong lah in—nalamdang bawltheihna nam khat bek hi. Hih nalamdang bawltheihna pen Pasion kiang pan ahikkeh Satan kiangpan zong hithei hi. Tua manin Topa in eite tungah: "kha khatpeuh um kei un; ahangin leitung ah kamsang zuau tampi paikhia khin ahi manin amaute kha Pasion pan hi hiam, hi lo hiam cih sittel un." hong ci hi. 1 John 4:1.

7. Kamsang maan sittelna dinga athupi penpen in bang hiam?

Isaiah 8:20 _____ le _____ bek ngai un. Amaute in hih kammalte tawh kizui-in a pau kei uh leh amau adingin phalvak khuavak a nei lo suak uh hi. (ZIV)

Phawk Ding: Laisiangtho Lui in, "Thukham leh teci panna" acih pen "Laisiangtho bu" ahi hi. Adangkhat iin gen leng, Pasion kamsang hing akici mi peuhmah Laisiangtho tawh sittel hamtang ding ahi hi. Kamsang maan leh maanlo pen Laisiangtho tawh sittel ding hi-a, Laisiangtho pen kamsang khat peuh tawh sittel ding hilo hi. Pasion kamsang maan ahinak leh agen khempeuh 100 ah 100 Laisiangtho tawh kituak ding hi. Tua pen sittelna maan ahi hi.

8. Kamsang maan sittel nading anihna in bang hiam?

1 John 4:2 Pasion Kha na khentel theih nading uh hih bang ahi hi: _____ mihingin hong pai hi, ci-a a sang kha peuhmah Pasion pan hi. (ZIV)

Phawk Ding: Kamsang maan ahinak leh Zeisu pen Pasion hi-in mihing bangin hong piang hicih thumaan hong gen ding hi. Kamsang maan te in Zeisu hong domsang dinga, amau leh amau kidomsang lo ding hi. A tamzaw kamsang zuauthei te-in Pasion Thu (Kammal) panin mite ngaihsutna kaikhia-in amau ngaihsutna lam ah paipih uh hi.

9. Kamsang maan sittel nading athumna in bang hiam?

Matthew 7:16 Amaute a _____ un na khentel thei ding uh hi.

Phawk Ding: Kamsangte kicingtaak sitset ding uh hi cihna hilo hi. Pasion' khamsangte in atawntungin khialhna nei kha ding uh hi. Bang bang ahi zongin kamsang maan te in agen bangun nungta ding uh hi.

10. Kamsang maan sittel nading alina in bang hiam?

Jeremiah 28:9 TOPA kamsang hi taktak ahi hiam cih ama gen banga a _____ bekin kithei pan hi," a ci hi. (ZIV)

Phawk Ding: Kamsang maan khat in a maanlo genkholhna te gen lo ding hi. Pasion kamsang maan ahihna leh agen khempuuh hong tangtung ding hi. Agen bang atangtunna bek tawh zong kamsang maan hi cihpah ding zong hilo hi. Thuhilhikna 13:1-3 sungah, kamsang maanlo tampi te in zong agenkhoh te uh tampi atangtung ding gen thei uha, ahih hangin amau nungzuite pasian dangte nungzui suaksak uh hi. Kamsang maan ahih leh Laisiangtho tawh kituak iin Pasion bia dingin mite makaih ding uh hi.

11. Genkholhna tawh kisai Paul in thu thum agen bangte hiam?

1 Thessalonians 5:20, 21 Genkholhna thute na _____ kei un. Na khempuuh _____ un. A hoihte kipler un.

Phawk Ding: Paul in genkholhna silpiak na simmawh bawl kei unla, zong nial kei un ci hi. Ahi zongin kamsangte thugen te Laisiangtho tawh sittel iin thumaan thutak ahih leh zui-un ci hi.

12. Amaan kamsangte thu ih nial ciangin kua thuhilhna anial ih hi hiam?

Luke 7:28-30 Ken kong cih in ah numei sung pan asuakte lakah John sangin alian zaw khat beek aomkei hi. Ahih hangin, Vantung Gam sungahmi neu pen in tuapa sangin alian zaw hi, aci hi. Ahih hangin, Farisaite leh laithe in amau noptuam nadingin _____ nial uh hi.

Phawk Ding: Amaan kamsangte thugen ih nial ciangin Pasion thuhilhna anial ihi hi. Ngaihsut ding thupi! Laisiangtho in Pasion' kamsangte leh kamciamte ngai-a kamsang maan te thuhilhna azui te lawhcing ding uh hi ci hi.

Khangtangthu Nihna 20:20 Topa na Pasion uh um un; tua hi leh note na kip ding uh hi. Ama kamsangte um un; tua hi leh na mavang ding uh hi," a ci hi.

Nang Dawnna

Pasion in tudongin kamsangte tungtawnin thugen a, amaan kamsangte kammalte in nang mimal tungah "Zeisu teci" hong pang uh hi. Tua manin tukhang-a kamsangte Laisiangtho tawh sittel iin a thuhilhna te uh Laisiangtho tawh akituah leh zuih ding na lunggulh hiam?

DAWNNA: _____

Hilhcianna

Hih anuai-a te in telbeh nadingin hong huh ding hi.

Tukhanghun-a Kamsang

Portland, Maine ah December 1844 kum iin Methodist nungakno pawlkhat in khukdin iin thungen uha, kum 17 apha adamlo nungakno Ellen Harmon in a masa pen a mangmuhna hong ngah hi. Ellen pen Pasion nasem James White tawh hong kiten ciangin Ellen White kici hi. Ama tungah Pasion in a lah bangin hong septoh ciangin, asih 1915 kum dong ma-ang te leh mangmuhna te kum 70 sungbang hong ngah tosuak hi.

Laisiangtho sunga amaan kamsangte mah bangin, a mangmuh laitakin akitheitham alamdang Ellen White ii pumpi tungah tung hi. Kamsang Daniel mah bangin, a mangmuh laitak naak hetlo iin khat veivei thazawm iin om hi (Daniel 10:8, 17). Pawlkhat a mangmuh te nai 4 bang sawt a, a tua sungbup naak hetlo hi. Siavuante in zong a mangmuh laitakin ahi takpi ahihna va sit ngiat uh hi.

Adang hun te ciang, alamdang thahatna kipia hi (Daniel 10:18, 19). Amah pen pounds 95 bek pha hinapi a mangmuh laitakin pounds 17 agik innkuan Laisiangtho bu akhut zan iin minit 30 sung atawi, ateci te in mu uh hi. Hih te leh adang akitheitham pumpi tunga nalamdang cih te pen kamsangte tuahkhak ahi hi. Bangbang ahi zongin, hih alamdang te in Pasion kiang pan maw Satan kiang pan cih hong gen lo uh hi. Kamsanna silpiak ngah ci a nalamdang khat hong om ciangin, Christian te in amaan hiam ci-in Laisiangtho tawh sit pelmawh ding ahi hi.

Laisiangtho tawh Sittel nading nam Li te Zang ni.

Enkhawm ni Ellen White nuntaakna leh a thugen te Laisiangtho tawh sittel nading nam li te tawh kituak-a kamsang maan ahi hiam?

Sittelna masa—Laisiangtho tawh Kituak

Ellen White laibu te khat peuh sim lecin Laisiangtho ah hong puak ahihna leh Laisiangtho tawh kituak sitset ahihna na mukhia ding hi. Ahi zongin, Laisiangtho behlap nadinga agelh hilo hi. A laigelh te in Pasion' mite lungsim Laisiangtho ah puak ding leh thumaanna naak ahi Laisiangtho ah ciahkik nadinga sapna ahi hi. Phawk lai dingah Ellen White in upna zungpi pen Laisiangtho bek hichih bulphuh hi: "Tu ei khanghun iin mite a upna (doctrines) uh leh a sanna (precepts) te uh pan gamlapi pial khinta a, Protestant te thumungpi ahi—Laisiangtho, upna zungpi leh vaipuak ahi Laisiangtho bek mah ah ciahkik ding kisam hi."¹

Hih zong gelh lai hi: "A kigelh tecipanna te in khuavak thak hong pia hilo a, hong kilaksa hu kimuam thumaan thutak te ih lung sungah khuahk-a hong tawsawn hizaw hi. Mihing te in Pasion tung leh a midang pih te tungah bang vaipuak nei cih Pasion' Kammal in limtakin hong lak hi; himah taleh note tawmcik bek in hong kipia khuavak thu na mang uh hi. Thumaan thutak hong kiguan beh hilo hi. Ahih hangin Pasion in Tecipannate tungtawnin hong piaksa athuthuk thumaan thutak te hong telnopsak iin leh Ama teluam lampi tungtawn iin hih thu te miteng tungah hong puak a, kuamah apeng theilo dingin hih thu te tawh lungsim te hong tawsawnin hong phawng hi."²

Ellen White in ama laigelh te Laisiangtho zahin na ngaihsun peuhmah kei un acih hangin, a laigelhte Khasiangtho humuap mah ahi hi. Pasion' kamsang lianpipi—Elijah, Elisha, leh Tuiphum John—te Khasiangtho humuap himah taleh uh Laisiangtho bu khat zong gelh lo uh hi. Ellen White laigelh te pen alianzaw khuavak, Laisiangtho, ah hong puak anezaw khuavak kici thei kha

ding hi. A laigelh te in Laisiangtho deihna hong telkkeh hu kimuam hi a, Laisiangtho mah a bulpi thunei pen hi veve hi.

Sittelna Nihna—Zeisu thu Thumaan Thutak Hilh

Ellen White laibu—*The Desire of Ages, Christ's Object Lessons, Khazih Kiang Zuatna*, leh *Thoughts from the Mount of Blessing*—hih te in sittelna tawh kituak hi ci-a teci te ahi uh hi. Hih laibu te ah ama thu agelhna om hetlo-in midangte Zeisu mitsuansak den hi.

Sittelna Thumna—Pasion Deihna banga Nuntaakna

Laihawm (The press) te in Ellen White sihna thu ah hibangin gen uh hi: "Mrs. White nuntaakna in mi khempuuh adingin eteh taakcing hi. ... Kiniamkhiat-a Zeisu nungzui muanhuai leh na hoih asem tawntung khat ahi hi. ... Numei gina khempuuh in a pahtawi uh leh a zahtaak uh hi a, angsungkhol lo-in mite lamto-a mikim phattuamna dinga nasem hi. Ama sihna in Pasion thu a ngaihsun makai leh kum sawmkua sung phial nasep hoih semkhia a, kamkhum pau iin, mikim ading nakpi thu a ngetsak nu ahihna phawk ding leh ciapteh dingin om hi."³

Sittelna Lina—Genkholhna Maan

Mailam thupiang ding Ellen White genkholh pawlkhat olnu takin santheih dingin om hi. Anuai-a ih gen ding genkholnate tuzingsang-a laihawmthak (newspaper) bangin a kisim hangin, khualzin gamvak kikawmna ding vante akibawl mapek-in agelh khitsa hi. "Thakhatthu-a kikawmna pan tuahsiatna hong khang semsem dinga, buaina, lamkal ah tuahsiatna, khualzinna lam lianpipi te ah theihkholh loh sihna hong piang ding hi."⁴

Siavuante in zatepna in tuap hoihsak hi acih hunlai un Ellen White a khangkhia hi. Zatui lam tuamtuum athei aom hangin, science tawh lahna taktak om nai lo hi. Cidamna ding ante a kithei nailo science ahih hunlai te-in Ellen White in cidamna ding neek leh dawn tawh kisai (nutrition) thu te tampi na gelh khin hi. Cornell University a cidamna lam professor a hingei Dr. Clive McCay in hibangin gen hi: "science lam te-in cidamna ding thu (nutrition) a muhkhiat mapek un Mrs. White in ahang leh athu teng agelh khitsa hi a, ama laigelhte sangin a hoihzaw tuni dongin khat beek omlo hi."⁵

Laisiangtho in ni tawpni ciangin kamsanna silpiak om ding hi ci-in hong genkhol hi. Laisiangtho in kamsang maan hibang hiding hi ci-a agen banglian-in kituak kim hichih kimu thei hi. Ama laigelhte abu nei-a na sim ding leh Laisiangtho hong thupiak zong zuih dingin kong hanthawn nuam uh hi, "genkholhna thute na simmawhbawl kei un. Na khempuuh sittel un. A hoihte kipler un." Thessalonians Masa 5:20, 21.

¹ *The Great Controversy* (Mountain View, CA: Pacific Press, 1950), p. 204, 205.

² *Testimonies for the Church* (Mountain View, CA: Pacific Press, 1949), Vol. 2, p. 605.

³ *Star* (St. Helena, California), July 23, 1915.

⁴ *Messages to Young People* (Washington, DC: Review and Herald, 1930), p. 90 (reprinted from article in *The Signs of the Times*, April 21, 1890).

⁵ Clive M. McCay, "A Nutritional Authority Discusses Mrs. E.G. White," *Review and Herald*, February 26, 1959, p. 10.